



17. august 2012

EM 2012/143

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Kommunit meeqqanut tamanut suli atualinngitsunut ulluunerani neqerooruteqarnissaminnut pisussaaitaanerisa qularnaarnissaat erseqqissarumallugu taamaasiornikkullu meeqqerivinnut utaqqisarnerup qaammatinik aalajangersimasunik sivissusilerneqarsinnaasup qaangerneqartannginnissaat qularnaarniarlugu Meeqqanut inuusuttunullu perorsaanikkut ineriartuutaasumik ulluunerani neqeroorfigineqartarnissaat pillugu Inatsisartut peqqussutaani § 6 imm. 1-p allanngortinnissaanut Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Andreas Uldum, Demokraatit)

Tunngavilersuut

Kalaallit nunani allani ilinniartut isumalluutaalluarput tamattalu kissaatigaarput naammassigunik Kalaalit Nunaannut uterumaartut. Ajoraluartumilli amerlasuut uteqqinneq ajorput – naak immaqa piomagaluarlutik.

Pissutsit ilaat ilinniareerlutik naammassisimasut uterfigiuminaatsittagaat tassaavoq meeqqat meeqqerivinni inissaqartinneqartannginnerat.

Kommunit ataasiakkaat akisussaaffigaat meeqqanut atualersimanngitsunut tamanut meeqqerivinni inissaqartitsinissaq. Meeqqat atualersimanngitsut perorsaanikkut ineriartortasumik ulluunerani neqeroorfigineqartarnissaat pillugu inatsisartut peqqussutaanni § 6-mi allassimavoq tamanna.

Taamaakkaluartorli – sualummik Nuummi – meeqqerivinnut utaqqisoqartariaqartarpoq siviisoorsuarmik. Tamanna nutaajunngilaq. Majip qaammataani 2008-mi § 36 tunngavigalugu apeqquteqaammut atatillugu taamani Naalakkersuisuusoq oqarpoq Nuup Kommuniani meeraaqqerivinniititsiniaraanni kuiuq ataaseq ukiup aappaa avillugu utaqqisoqartariaqartarpoq meeqqerivimmiititsiniaraannilu aamma ukiup aappaa avillugu ukiumut ataatumut utaqqisoqartariaqartarpoq. Nuummi illoqarfinnilu allani mannakkut utaqqisarnissaq qanoq siviutigineri pillugit paasissutissanik tigummiaqanngilanga neriuppungali Naalakkersuisut akissuteqarnermini paasissutissanik nutaanik tunisinaajumaaraatigut.

Danmarkimi ilinniartuutigit kisimik meeqqerivinni inissaalitsinermik eqqorneqarnek ajorput. Maani najugaqartut angajoqqaarpasuit suliunnaartariaqartarput meeqqanik paariniarlugit imaluunniit meeqqatik paarsinissamut akuersissummik peqanngitsumut paaritittariaqartarpat (allamik sussaqqanngikkunik) ajoqutaasinnaasut ernumanarsinnaasullu inooqataaffigalugit: Paarsinissamut akuersissummik peqanngitsuni naatsorsuutigineqarsinnaanngilaq meeqqat iluamik paarineqarumaartut aamma meeqqat illersorneqarsinnaasumik paarineqarumaartut. Paarsisartup

paarsassani sinnerlugit paareratarsinnaavai aamma immaqa meeqqat ukiui nikingavallaarsinnaapput. Paarsisoq napparpap angajoqqaat paarsisussaaruteriataassapput.

Ilaqtariinni meerartalinni tamani ataataq anaanarlu suliartorsinnaasariaqarput nalunagu meeqqatik isumassorneqartut avatangiisini toqqissismanartuni, angajoqqaat sullivimminnik paarsinerisa nalaani. Aamman tamanna tunuliaqutaagunarpoq inatsisartut peqqussutaanni § 6-mi kommunit inanpeqarmata ” ulluunerani neqeroorutitik pisariaqartinneqartunik neqerooruteqartassasut”. Kisianni malunnarpoq peqqussummi pisussaaffiit ersarinnerusariaqaraluartut. Allassimasoqangilaq ” ulluunerani neqeroorutitik pisariaqartinneqartunik neqerooruteqartassasut” qanoq paasineqassanersoq. Taamaattumik aalajangersakkap ersarissarneqarnissaa pisariaqarpoq soorlu annertunerpaaffilerlugu utaqqisarnissap sivirususaa imaluunniit eqqullugu paarsissunneqarnissamut qularnaveeqqut.

Pisortanut aningaasatigut allaffissornikkullu kingunissai

Inatsisip allanngortinnissaanut atatillugu nukiit atorfissaqartinneqartut illuartinneqassapput. Aningaasartuutilli ilinniagartuup ukiup sisamararterutaani sulinermini akissarsiaanit annertunerunaviangillat.

Inatsimmik allanngortitsinerup – imaa apeqqutaalluni – nassatarisinnaavaa, kommunit ilaasa (immikkut eqqarsaatigaara Sermersooq) meeqqeriveqarnermik annertusaasariaqarnissaat. Tassunga atatillugu sanaartornermut aningaasartuutit 10 mio. koruuniunissaat naatsorsuutigineqassaaq, meeqqerimmut ataatsimut, tassungalu ilanngullugut ingerlatsinermi aningaasartuutit ingerlaavartut.

Tunngaviusumik isumaqarpunga, kommuni landskarsimiit bloktilskuddikkut aningaasartuutissaminnut immikkut pineqartassasut. Kommunimmi aamma malittarisassat atuuttut naapertorlugit pisussaapput naammattunik meeqqeriveqartitsissallutik.

Namminersorlutik Inuitissarsiortunut aningaasatigut allaffissornikkullu kingunissai

Soqanngilaq.

Innuttaasunut aningaasatigut allaffissornikkullu kingunissai

Soqanngilaq.